

女科撮要

女科撮要前序

余聞軒岐事業遐哉邈矣其言說流布至今未盡泯也然傳者或效或否豈其書不可盡信耶是信乎人焉耳語曰醫不通儒不可以言醫其以是歟太醫院使薛君立齋雅近於儒其以醫名世也固宜君嘗以日所施活者述其病原詳其脉候著其方驗有所得輒錄之積彙成帙標曰家居醫錄他日呈于

大司馬中丞約菴翁翁覽而善之授余以鈔諸梓且命曰其說余曰嘻是仁者之心哉或曰何謂也夫醫術也而心術觀焉世之醫者得一方輒以自秘取一

效卽以自多人病在身而渠病在心且弗之藥是尙
可以言醫薛君以名醫致身不自秘而以示人將欲
致人人於名醫中丞翁撫綏畿輔振衰剔弊既登斯
民仁壽之域復布其醫喜欲壽斯民於無窮茲非仁
者之事哉是宜梓之以訓于世觀者毋徒執其方面
求得其心焉則是錄也其可傳矣

嘉靖戊申春正月吉劔江春所范慶書

女科撮要目錄

薛氏醫按

上卷

經候不調

經漏不止

經閉不行

帶下

血分水分

小便出血

熱入血室

師尼寡婦寒熱

歷節痛風

流注

瘰癧

乳癰乳巖

血風瘡

廉瘡

陰瘡

各症方藥

下卷

保胎

小產

保產

子死腹中

胎衣不出

交骨不開陰門不閉子宮不收

產後腹痛

產後血暈并失血

產後發瘧

產後便血

產後大便不通

產後寒熱

產後咳嗽

產後瘧疾

產後泄痢

產後疔瘡

交骨不開 劍門不閉 子宮不來

血暈不出

子宮顛中

胎毒

小毒

女科撮要上卷

薛氏醫按

吳郡薛 已著

新都閔道政校

經候不調

經曰飲食入胃遊溢精氣上輸於脾脾氣散精上歸於肺通調水道下輸膀胱水精四布五經並行故心脾平和則經候如常苟或七情內傷六淫外侵飲食失節起居失宜脾胃虛損則月經不調矣若先期而至者有因脾經血燥有因脾經鬱滯有因肝經怒火有因血分有熱有因勞役火動其過期而至者有因

脾經血虛有因肝經血少有因氣虛血弱主治之法
脾經血燥者加味道遙散脾經鬱滯者歸脾湯肝經
怒火者加味小柴胡湯血分有熱者加味四物湯勞
役火動者補中益氣湯脾經血虛者人參養榮湯肝
經血少者六味地黃丸氣虛血弱者八珍湯蓋血生
於脾土故云脾統血凡血病當用苦甘之劑以助其
陽氣而生陰血俱屬不足大凡肝脾血燥四物爲主
肝脾血弱補中益氣爲主肝脾鬱結歸脾湯爲主肝
經怒火加味道遙爲主

治驗 肝經怒火風熱等症附

一婦人內熱作渴飲食少思腹內近左初如鷄卵漸大四寸許經水三月一至肢體消瘦齒頰似瘡脉洪數而虛左關尤甚此肝脾鬱結之症外貼阿魏膏午
前用補中益氣湯午後以加味歸脾湯兩月許肝火
少退脾土少健仍與前湯送六味地黃丸午後又用
逍遙散送歸脾丸又月餘日用蘆薈丸二服空心以
逍遙散下日晡以歸脾湯下喜其謹疾調理年餘而
愈

一婦人腹內一塊不時上攻或痛作聲吞酸痞悶月
經不調小便不利二年餘矣面色青黃相兼余作肝

脾氣滯以六君子加芎歸柴胡炒連木香吳茱各少
許二劑却與歸脾湯下蘆薈丸三月餘肝脾和而諸
症退又與調中益氣加茯苓丹皮中氣健而經自調
一婦人發熱口乾月經不調兩腿無力服祛風滲濕
之劑腿痛體倦二膝浮腫經事不通余作肝脾腎三
經血虛火燥症名鶴膝風用六味八味二丸兼服兩
月形體漸健飲食漸進膝腫漸消不半載而痊前症
若脾腎虛寒腿足軟痛或足膝枯細用八味丸若飲
食過多腿足或臀肉痠脹或浮腫作痛用補中益氣
加茯苓半夏主之

一婦人性沉靜勤於女工善怒小腹內結一塊或作
痛或痞悶月經不調恪服伐肝之劑內熱寒熱胸膈
不利飲食不甘形體日瘦牙齦蝕爛此脾土不能生
肺金肺金不能生腎水腎水不能生肝木當滋化源
用補中益氣六味地黃至仲春而愈

松江太守何恭人性善怒腹聚一塊年餘形體骨立
條熱往來腠蝕透腮或泥春旺木尅土仍行伐肝時
季冬肝脉洪數按之弦緊餘脉微弱余曰洪數弦緊
肝經真氣虛而邪氣實也自保不及何能尅土况面
色青中隱白乃腎水不足肝木虧損肺金尅制惟慮

至春木不能發生耳勉用壯脾胃滋腎水之劑肝脉
悉退後大怒耳內出血肝脉仍大按之如無煩躁作
渴此無根之火以前藥加肉桂二劑肝脉仍斂熱渴
頓退復因大怒以致飲食不進果卒於季冬辛巳日
此木衰弱而金刑尅信夫

婦人經候過期發熱倦怠或用四物黃連之類反
兩月一度且少而成塊又用峻藥通之兩目如帛所
蔽余曰脾爲諸陰之首目爲血脉之宗此脾傷五臟
皆爲失所不能歸於目矣遂用補中益氣濟生歸脾
二湯專主脾胃年餘尋愈

一婦人兩鬢稜痛後及太陽面青善怒余作膽經風熱用選哥湯合逍遙散加山梔天麻黃芪半夏黃芩而愈此症失治多致傷目或兩耳出膿則危矣

一婦人耳鳴內熱經行不調肢體倦怠飲食無味余以爲肝脾虛熱用四君加柴胡山梔丹皮甘草而愈一婦人素勤苦冬初患咳嗽發熱久而吐血盜汗經水兩三月一至遍身作痛或用化痰降火口噤筋攣謂余曰何也余曰此血虛而藥益損耳遂用加減八味丸及補中益氣加麥門五味山藥治之年餘而痊一婦人耳內或耳後項側作痛寒熱口苦月經不調

余以爲肝火氣滯而血凝用小柴胡加山梔川芎丹皮治之諸症悉退

一婦人年四十素性急先因飲食難化月經不調服理氣化痰藥反肚腹膨脹大便泄瀉又加烏藥蓬朮肚腹腫脹小便不利加猪苓澤瀉痰喘氣急手足厥冷頭面肢體腫脹指按成窟脉沉細右寸爲甚余曰此脾肺之氣虛寒不能通調水道下輸膀胱滲泄之令不行生化之氣不運卽東垣所云水飲留積若土之在雨中則爲泥矣得和風暖日水濕去而陽化自然萬物生長喜其脉相應遂與金匱加減腎氣丸料

服之小便卽通數劑腫脹消半四肢漸溫自能轉側
又與六君加木香肉桂炮薑治之全愈後不戒七情
飲食卽爲泄瀉仍用前藥加附子五分而安

一婦人飲食每用碗許稍加非大便不實必吞酸噉
腐或以爲胃火用二陳黃連枳實加內熱作嘔余曰
此末傳寒中故噉氣吞酸脹滿痞悶不信仍作火治
虛症並至月經不止始信余以六君加炮薑木香數
劑元氣漸復飲食漸進又以補中益氣加炮薑木香
茯苓半夏數劑全愈後因飲食勞倦兼之怒氣飲食
頓少元氣頓怯用前藥更加發熱誠似實火脉洪大

按之而虛兩尺如無此命門火衰用補中益氣加薑桂及八味丸兼服兩月餘諸症悉愈此症若因中氣虛弱者用人參理中湯或六君子加木香炮薑不應用左金丸或越鞠丸虛寒者加附子或附子理中湯無有不愈

一婦人素有頭暈不時而作月經遲而少余以爲中氣虛不能上升而頭暈不能下化而經少用補中益氣湯而愈後因勞而什月經如湧此勞傷火動用前湯加五味子一劑服之卽愈前症雖云血過多氣無所附實因脾氣虧損耳

一婦人年四十勞則足跟熱痛余以爲陰血虛極急
用聖愈湯而痊後遍身搔痒誤服風藥發熱抽搐肝
脉洪數此乃肝家血虛火盛而生風以天竺膽星爲
丸用四物麥門五味苓連炙草山梔柴胡煎送而愈
一婦人兩足發熱日晡益甚小便自遺或時不利余
以爲肝熱陰挺不能約制午前用白木茯苓丹皮澤
瀉各五分乾山藥山茱麥門各一錢熟地四錢酒炒
黑黃栢七分知母五分不數劑而諸症悉愈若用分
利之劑愈損真陰必致不起

一婦人月事未期而至發熱自汗服清熱止汗之劑

反作渴頭痛手掉身麻此因肝經風熱用柴胡炒芍
連炒山梔歸芍生地丹皮各一錢參芪苓朮各一錢
五分川芎七分甘草五分二劑其汗全止更以補中
益氣而愈凡發熱久者陽氣亦自病須調補之

一婦人經行後勞役失調忽然昏憤面赤吐痰此元
氣虛火妄動急飲童便神思漸爽更用參芪各五錢
芎歸各三錢玄參柴胡山梔炙草各一錢一劑又用
逍遙散加五味麥門稍定但體倦面黃此脾土真虛
之色也又以十全大補加五味麥門治之而愈若投
以發散之劑禍在反掌慎之

西賓錢思習子室年三十尚無嗣月經淋瀝無期夫
婦異處者幾年矣思習欲爲娶妾以謀諸余余曰此
鬱怒傷肝脾虛火動而血不歸經乃肝不能藏脾不
能攝也當清肝火補脾氣遂與加味歸脾道遙二藥
四劑送至其家仍告其姑曰服此病自愈而當受胎
妾可無娶也果病愈次年生子

一婦人多怒經行或數日或半月即止三年後淋瀝
無期肌體倦瘦口乾內熱盜汗如洗日晡熱甚余用
參芪歸朮茯神遠志棗仁麥門五味丹皮龍眼肉灸
草柴胡升麻治之獲痊此症先因怒動肝火血熱妄

行後乃脾氣下陷不能攝血歸源故用前藥若胃熱
亡津液而經不行宜清胃若心火亢甚者宜清心若
服燥藥過多者宜養血若病久氣血衰宜健脾胃

一婦人年五十內熱晡熱經水兩三月一來此血虛
而有熱用逍遙散加山茱治之而愈若兼有痰作渴
或小便不調或頭暈白帶宜用腎氣丸

一婦人氣血素虛經行不調飲食少思日晡熱甚用
十全大補加山茱山藥丹皮麥門五味而愈次年秋
患寒熱或用清脾飲而元氣愈弱余仍以前藥而愈
一婦人生七胎矣月經不調兩足發熱年餘而身亦

熱勞則足痠痛又年許唇腫裂痛又半年唇裂出血
形體瘦倦飲食無味月水不通唇下腫如黑棗或
用通經丸等藥而死

一婦人善怒經不調唇腫裂服消毒藥唇脹出血年
餘矣余曰當培養脾胃以滋化源不信仍服前藥及
追蝕狀如翻花瘤而死

一膏粱之婦產後月經不調唇裂內熱每嗽作服寒
涼之劑後不時出水余用加味清胃散而愈後值春
令兼怒唇口腫脹寒熱作嘔痰甚少食用小柴胡加
山梔茯苓桔梗諸症頓愈但內熱仍作乃以加味道

遙散調理而安

一婦人性善怒產後唇腫內熱用清熱敗毒唇口腫
脹日晡熱甚月水不調用降火化痰食少作嘔大便
不實唇出血水用理氣消導胸膈痞滿頭目不清唇
腫經閉用清胃行血肢體倦怠發熱煩躁涎水湧出
欲用通經之劑余曰病本七情肝脾虧損數行攻伐
元氣益虛故耳法當補陰益陽遂以加味歸脾湯加
味逍遙散補中益氣湯如法調治元氣漸復唇瘡亦
愈後因怒寒熱耳痛胸膈脹悶唇焮腫甚此是怒動
肝火而血傷遂用四物合小柴胡加山梔頓愈後又

怒脇乳作脹肚腹作痛嘔吐酸涎飲食不入小便不利此是怒動肝木尅脾土乃用補脾氣養脾而愈又因勞役怒氣飲食失時發熱喘渴體倦不食去血如崩唇腫熾甚此是肝經有火脾經氣虛遂用補中益氣加炒黑山梔芍藥丹皮而愈此症每見但治其瘡不固其本而死者多矣

經漏不止

經云陰虛陽搏謂之崩又云陽絡傷血外溢陰絡傷血內溢又云脾統血肝藏血其爲患因脾胃虛損不能攝血歸源或因肝經有火血得熱而下行或因肝

經有風血得風而妄行或因怒動肝火血熱而沸騰
或因脾經鬱結血傷而不歸經或因悲哀太過胞絡
傷而下崩治療之法脾胃虛弱者六君子湯加當歸
川芎柴胡脾胃虛陷者補中益氣湯加酒炒芍藥山
梔肝經血熱者四物湯加柴胡山梔苓朮肝經怒火
者小柴胡湯加山梔芍藥丹皮脾經鬱火者歸脾湯
加山梔柴胡丹皮芩傷胞絡者四君子湯加柴胡升
麻山梔故東垣丹溪諸先生云凡下血症須用四君
子以收功斯言厥有旨哉若大吐血後母以脉診當
急用獨參湯救之其發熱潮熱咳嗽脉數乃是元氣

虛弱假熱之脈也尤當用人參之類此等症候無不由脾胃先損而患故脈洪大察其中有胃氣受補可救設用寒涼之藥復傷脾胃生氣使血反不歸源也

治驗

吐血等症附

一婦人年將七十素有肝脾之症每作則飲食不進或胸膈不利或中脘作痛或大便作瀉或小便不利余用逍遙散加山梔茯苓神遠志木香而愈後憂女孀居不時吐紫血每作先倦怠煩熱以前藥加炒黑黃連三分吳茱二分頓愈復因怒吐赤血甚多躁渴垂死比血脫也法當補氣乃用人參一兩苓朮當歸各

三錢陳皮炮黑乾薑各二錢炙草木香各一錢一劑
頓止信藥有回生之功不可委於天命也

一婦人年六十有四久鬱怒頭痛寒熱春間乳內時
痛服流氣飲之類益甚不時有血如經行又大驚恐
飲食不進夜寐不寧乳腫及兩脇炊痛如炙午後色
赤余以爲肝脾鬱火血燥先以逍遙散加酒炒黑龍
膽一錢山梔一錢五分二劑腫痛頓退又二劑而全
消再用歸脾加炒梔貝母諸症悉愈

一婦人久患血崩肢體消瘦飲食到口但聞腥臊口
出津液強食少許腹中作脹此血枯之症肺肝脾胃

虧損之患用八珍湯烏賊魚骨圓兼服兩月而經行百餘劑而康寧如舊矣

一婦人性急躁瘰癧後吐血發熱兩脇脹癢日哺爲甚余以爲怒氣傷肝氣血俱虛遂朝用逍遙散倍加炒黑山梔黃栢貝母桔梗麥門五味夕以歸脾湯送地黃丸諸症並愈

一婦人素勤苦因喪子飲食少思忽吐血甚多而自止此後每勞則吐數口瘵症已具形體甚倦午前以補中益氣午後以歸脾湯送地黃丸而愈

一女子素鬱結胸滿食少吐血面赤用地黃丸及歸

脾加山梔貝母芍藥而愈

一婦人面黃或赤時覺腰間或臍下作痛四肢困倦
煩熱不安其經若行先發寒熱兩肋如束其血如崩
此脾胃虧損元氣下陷與相火濕熱所致用補中益
氣加防風芍藥炒黑黃柏間以歸脾湯調補化源血
自歸經矣

一婦人因怒崩血久不已面青黃面或赤此肝木制
脾土而血虛也用小柴胡合四物以清肝火生肝血

又用歸脾補中二湯以益脾氣生肝血而瘥此症若

因肝經有風熱而血不寧者用防風一味爲丸以桑

症之藥煎送或肝經火動而血不寧者用條芩炒爲丸以兼症之藥煎送無有不効

一婦人性急每怒非太陽耳項喉齒胸乳作痛則膠滿吞酸吐瀉少食經行不止此皆肝火之症肝白病則外症見土受尅則內症作若自病見用四物加白朮茯苓柴胡炒梔炒龍膽若內症作用四君加柴胡芍藥神麩吳茱炒過黃連諸症漸愈惟月經不止是血分有熱脾氣尚虛以逍遙散倍用白朮茯苓陳皮又以補中益氣加酒炒芍藥兼服而調

乾內錢氏年五十歲辛丑患崩諸藥罔効壬寅八月

身熱肢痛頭暈涕出。痰少食衆作火治轉熾絕粒
數日淹淹伏枕僅存呼吸。兄方浙歸診之謂脾胃虛
寒用八味丸料一劑使急煎服然胃虛久始下咽翌
早遂索粥數匙再劑食倍熱減痛止兼服八味丸良
愈癸卯秋因勞役憂怒甲辰春夏崩復作六月二十
日胸飽發熱脊痛腰不可轉神氣怫鬱或作內傷或
作中暑崩水沸騰兼以便血煩渴引飲粒米不進至
七月十三日晝夜暈憤時作時止計無所出仍屈兄
診之脈洪無倫按之微弱此無根之火內真寒而外
假熱也以十全大補加附子一劑暈止食粥三四

崩血漸減日服八味丸始得全愈乾山妻兩搏危疾
命懸須臾荷兄遠救誠解倒懸之急處方神良知無
出此野人懷恩姑俟後日玉環之報云爾嘉靖甲辰
季秋表第方乾頓首拜書

大化內患月事不期崩血昏憤發熱不寐或謂血熱
妄行投以寒劑益甚或謂胎成受傷投以止血亦不
効乃敬延先生診之曰此脾氣虛弱無以統攝故耳
法當補脾而血自止矣用補中益氣加炮薑不數劑
而驗惟終夜少睡驚悸另服八物湯更不効叩諸先
生曰雜矣乃與歸脾湯加炮薑以補心脾遂如初謹

叙其梗槩以附醫案俾後之患者得有所取法云嘉
靖甲辰孟冬晚生歸大化頓首拜書

經閉不行

夫經水陰血也屬衝任二脉主上爲乳汁下爲月水
其爲患有因脾虛而不能生血者有因脾鬱傷而血
耗損者有因胃火而血消燬者有因脾胃損而血少
者有因勞傷心而血少者有因怒傷肝而血少者有
因腎水不能生肝而血少者有因肺氣虛不能行血
而閉者治療之法若脾虛而不行者調而補之脾鬱
而不行者解而補之胃火而不行者清而補之脾胃

損而不行者調而補之勞傷心血而不行者靜而補
之怒傷肝而不行者和而補之肺氣虛而不行者補
脾胃腎虛而不行者補脾肺經云損其肺者益其氣
損其心者調其榮衛損其脾者調其飲食適其寒溫
損其肝者緩其中損其腎者益其精審而治之庶無
誤矣

治驗

一婦人停食飽悶發熱或用人參養胃湯益甚再用
木香檳榔丸泄瀉吐痰腹中成塊飲食少思又用二
陳黃連厚朴之類前症益甚腹脹不食月經不至余

以爲中氣虧損用補中益氣加茯苓半夏三十餘劑
脾胃健而諸症愈又二十餘劑而經自行前症若脾
虛不能消化飲食者宜用六君子湯補而消之虛寒
者加砂仁木香炮薑溫而補之其食積成形者以前
藥煎送保和丸大抵食積痞塊症爲有形所謂邪氣
勝則實真氣奪則虛惟當養正闢邪而積自除矣雖
然堅者削之客者除之胃氣未虛或可少用若病久
虛乏者則不宜用

一婦人飲食後或腹脹或吞酸服枳朮丸吞酸益甚
飲食日少胸膈痞滿腿內酸痛畏見風寒又服養胃

湯一劑腿內作痛又一劑腿浮腫月經不行余以爲
鬱結所傷脾虛濕熱下注侵晨用四君芩歸二陳午
後以前湯送越鞠丸飲食漸進諸症漸愈又用歸脾
八珍之湯兼服兩月餘而經行

一婦人性沉多慮月經不行胸滿少食或作脹或吞
酸余以爲中氣虛寒用補中益氣加砂仁香附煨薑
二劑胸膈和而飲食進更以六君加芩歸貝母桔梗
生薑大棗數劑脾胃健而經自調矣

一婦人素有胃火服清胃散而安後因勞役躁渴內
熱肌肉消瘦月經不行此胃火消爍陰血用逍遙散

加丹皮炒梔以清胃熱用八珍湯加茯苓遠志以養脾血而經自行矣

一婦人久患瘧形體怯弱內熱晡熱自汗盜汗飲食少思月事不行服通經丸虛症悉具此因虛而致瘧疾因瘧而致經閉用補中益氣及六味地黃丸各百餘劑瘧愈經自行

一婦人久患瘧瘧作則經不行形虛脉大頭痛懶食大便泄瀉小便淋瀝口乾唇裂內熱腹膨皆元氣下陷相火合病用補中益氣湯治之尋愈惟不時頭痛乃加蔓荊子而痛止又兼用六味地黃丸而經行

一婦人因勞耳鳴頭痛體倦此元氣不足用補中益氣加麥門五味而痊三年後得子因飲食勞倦前症益甚月經不行晡熱內熱自汗盜汗用六味地黃丸補中益氣湯頓愈前症若因血虛有火用四物加山梔柴胡不應八珍加前藥若氣虛弱用四君子若怒耳便聾或鳴者實也小柴胡加芩歸山梔虛用補中益氣加山梔若午前甚作火治用小柴胡加炒連炒梔氣虛用補中益氣午後甚作血虛用四物加白朮茯苓若陰虛火動或兼痰甚作渴必用地黃丸以壯水之主經云頭痛耳鳴九竅不利腸胃之所生也脾

胃一虛耳目九竅皆爲之病

一婦人胃氣素弱爲哭母吐血咳嗽發熱盜汗經水
三月不行余以爲悲則傷肺思則傷脾遂朝服補中
益氣加桔梗貝母知母夕用歸脾湯送地黃丸而愈

帶下

或因六淫七情或因醉飽房勞或因膏粱厚味或服
燥劑所致脾胃虧損陽氣下陷或濕痰下注蘊積而
成故言帶也凡此皆當壯脾胃升陽氣爲主佐以各
經見症之藥若屬肝則青小柴胡加山梔或濕熱壅
滯小便赤瀉龍膽瀉肝湯屬心則赤小柴胡加黃連

山梔當歸屬肺則白補中益氣加山梔屬脾則黃
君子加山梔柴胡不應歸脾湯屬腎則黑六味地黃
丸若氣血俱虛八珍湯陽氣下陷補中益氣湯濕痰
下注前湯加茯苓半夏蒼朮黃柏氣虛痿軟下注四
七湯送腎氣丸

治驗

一婦人年踰六十內熱口乾勞則頭暈吐痰帶下或
用化痰行氣前症益甚飲食愈少肢體或麻恪服祛
風化痰肢體常麻手足或冷或熱日漸消瘦余曰症
屬脾氣虛弱而不能生肺祛風之劑復損諸經也當

滋化源遂用補中益氣加茯苓半夏炮薑二十餘劑
脾氣漸復飲食漸加諸症頓愈

一婦人腹脹脇痛內熱膈熱月經不調鼓體痠麻不
時吐痰或用清氣化痰喉間不利帶下青黃腹脇膨
脹用行氣之劑胸膈不利鼓體特麻此驚怒傷損肝
脾前藥益甚也朝用歸脾湯以解脾鬱生脾氣夕用
加味逍遙散以生肝血清肝火兼服百餘劑而諸症
愈

一婦人症久兼之帶下發後口乾倦甚余用七味白
朮散加麥門五味作大劑煎與恣飲再發稍可乃用

補中益氣加茯苓半夏十餘劑而愈凡載瘧余常以
參朮各一兩生薑四兩煨熟煎服卽止或以大劑補
中益氣加煨薑其功尤捷

一婦人頭暈唾痰胸滿氣喘得食稍緩苦於白帶二
十餘年矣諸藥不應余曰此氣虛而痰飲也飲愈而
帶始愈遂用六味地黃丸不月而驗

一婦人耳鳴胸痞內熱口乾喉中若有一核吞吐不
利月經不調兼之帶下余以爲肝脾鬱結用歸脾湯
加半夏山梔升麻柴胡間以四七湯下白丸子而愈
一婦人吞酸胸滿食少便泄月經不調服法製清氣

化痰丸兩膝漸腫寒熱往來帶下黃白面黃體倦余
以爲脾胃虛濕熱下注用補中益氣倍用參朮加茯
苓半夏炮薑而愈若因怒發熱少食或兩腿赤腫或
指縫常濕用六君加柴胡升麻及補中益氣

一婦人帶下四肢無力勞則倦怠余曰四肢者土也
此屬脾胃虛弱濕痰下注遂以補中益氣濟生歸脾
二藥治之而愈

一婦人年踰六十帶下黃白因怒胸膈不利飲食少
思服消導利氣之藥反痰喘胸滿大便下血余曰此
脾氣虧損不能攝血歸源也用補中益氣加茯苓

夏炮薑四劑諸症頓愈又用八珍加柴胡炒梔而安

血分水分

二症或因飲食起居失養或因六淫七情失宜以致脾胃虧損不能生發統攝氣血乖違行失常道若先因經水斷絕後至四肢浮腫小便不通血化爲水名曰血分宜用椒仁丸治之若先小便不利後至身面浮腫經水不通水化爲血名曰水分宜用葶藶丸治之此屬形氣不足邪淫隧道必用此藥以宣導其邪而佐以輔補元氣庶使藥力有所仗而行則邪自不能容而真氣亦不至於復傷矣

治驗

一婦人月經不調晡熱內熱飲食少思肌體消瘦小便頻數服濟陰丸月經不行四肢浮腫小便不通余曰此血分也朝用椒仁丸夕用歸脾湯漸愈乃以人參丸代椒仁丸兩月餘將愈專用歸脾湯五十餘劑而痊

一婦人月經不調小便短少或用清熱分利之劑小便不利三月餘身面浮腫月經不通余曰此水分也朝用葶藶丸夕用歸脾湯漸愈乃用人參丸間服而愈已上二症作脾虛水氣用分利等藥而斃者多

惜哉

小便出血

婦人小便尿血或因膏粱炙燔或因醉飽入房或因
飲食勞役或因六淫七情以致元氣虧損不能統攝
歸源若因怒動肝火者用加味逍遙散送髮灰肝
經風熱者送子苓丸久而血虛者用八珍送髮灰若
膏粱積熱者用清胃散加槐花甘草房勞所傷者用
六君加柴胡升麻風熱所傷者用四君加防風枳殼
久而虧損元氣者用補中益氣爲主鬱結傷脾者
用濟生歸脾爲主

治驗

一婦人尿血因怒氣寒熱或頭痛或脇脹用加味道
遙諸症稍愈惟頭痛此陽氣虛用補中益氣加蔓荊
子而痊後鬱怒小腹內疝痛次日尿血熱甚仍用前
散加龍膽草并歸脾湯將愈因飲食所傷血仍作徹
夜不寐心忡不寧此脾血尚虛用前湯而痊
一婦人尿血久用寒涼止血藥面色痿黃肢體倦怠
飲食不甘嘔熱作渴三年矣此前藥復傷脾胃元氣
下陷而不能攝血也蓋病久鬱結傷脾用補中益氣
以補元氣用歸脾湯以解脾鬱使血歸經更用加味

遙以調養肝血不月諸症漸愈三月而痊

熱入血室

婦人傷寒或勞役或怒氣發熱適遇經行以致熱入血室或血不行或血不止令人晝則明了安靜夜則語如見鬼狀用小柴胡加生地黃血虛者用四物生地柴胡切不可犯胃氣若病既愈而血未止或表已元氣素弱用補中益氣脾氣素鬱用濟生歸血氣素弱用十全大補庶無誤矣

治驗

婦人經行感胃風寒日間安靜至夜譫語用小柴

加生地治之頓安但內熱頭暈用補中益氣加蔓
子而愈後因怒惱寒熱譫語胸脇脹痛小便頻數
經先期此是肝火血熱妄行用加味道遙加生地
愈

婦人因怒寒熱頭痛譫言妄語日晡至夜益甚而
暴至蓋肝藏血此怒動火而血妄行用加味道遙
散加生地治之神思頓清但食少體倦月經未已蓋
脾統血此脾氣虛不能攝思補中益氣治之月經漸
止

一婦人懷抱素鬱感胃經行譫語服發散之劑不應

用寒涼降火前症益甚更加月經不止肚腹作痛嘔吐不食痰涎自出此脾胃虛寒用香砂六君脾胃漸從諸症漸退又用歸脾湯而全愈

師尼寡婦寒熱

褚氏療師尼寡婦別製方藥謂獨陰無陽致血氣爭乍寒乍熱如瘧或腰背作痛而寒熱其肝脉弦可口是其症也若室女出嫁愆期而寒熱亦然蓋子精盛則思室女子血盛以懷胎此天地自然之也治以小柴胡加生地久而血虛佐以四物若兼動肝火而寒熱者佐以加味逍遙散若兼虧損肝

而寒熱者佐以八珍湯若兼虧損元氣而寒熱者以補中益氣湯若兼鬱傷脾氣而寒熱者佐以濟歸脾湯此症多兼經候不調當詳孰爲緩急而治

治驗

寡婦因怒致不時寒熱久而不已肝脉弦緊用小胡加生地治之而愈道見風寒熱仍作此是脾胃虛用加味歸脾補中益氣二湯兼服而止

婦人因夫經商久不歸發寒熱月經旬日方止服
京血反潮熱內熱自汗盜汗月經頻數余日熱

汗氣血虛也經頻肝脾虛也用歸脾湯六味丸
常治兼症既愈而寒熱當仍用本症藥

一室女寒熱左手脉弦長而出寸口用小柴胡加
地烏梅治之而愈既嫁而諸症悉痊

一室女久患寒熱月經不調先以小柴胡加生地
之少愈更以生地黃丸而痊

一放出宮女年踰三十兩胯作痛肉色不變大小
中作痛如淋登廁尤痛此瘀血瀆入隧道爲患乃
女失合之症也難治後潰不斂又患瘰癧而歿此
爲吾鄉湯氏妾湯爲商常在外可見此婦在內久

憂鬱及出外又不能如願是以致生此疾愈見癯
流注乃七情氣血損傷不可用攻伐皎然矣按精
篇云女人天癸既至踰十年無男子合則不調未
十年思男子合亦不調不調則舊血不出新血誤
或漬而入骨或變而爲腫或雖合而難子合多則
枯虛人產乳衆則血枯殺人觀其精血思過半矣
一室女年十七癩久不愈天癸未通發熱咳嗽飲
少思或欲用通經丸余曰此症潮熱經候不調有
治所喜脉不瀦且不潮熱尚可治但養氣血益津
其經自行惑於速効仍用之余曰非其治也此乃

悍之劑大助陽火陰血得之則妄行脾胃得之
虛經果通而不止飲食愈少更加潮熱遂致不救

歷節痛風

卽白虎歷節風

歷節痛或因飲食起居失節或因七情六淫失宜
致脾胃虧損腠理不密外邪所侵或爲肝火內動
血耗損或爲肢體疼痛或爲肢節難伸或爲卒然劇
痛或爲走痛無常或內熱晡熱自汗盜汗或經候不
調飲食不甘其治法屬風邪者小續命湯走注痰涎
者漏蘆散骨節疼痛者四生丸濕熱痛者清燥湯
痰佐以二陳肝火者加味逍遙散加羌活川芎瞿

者加味歸脾加羌活川芎血虛者四物加羌活川
氣虛者四君加羌活川芎氣血俱虛者八珍加羌
川芎月經先期而痛者加味逍遙散爲主月經過
而痛者補中益氣爲主大抵痛而不敢按者屬病
元氣俱實也手按而痛緩者病氣元氣俱虛也若
役而作痛者元氣虛也飲食失宜而作痛者脾胃
也怒惱而作痛者肝火也經行而作痛血虛也凡
皆固元氣爲主而佐以治病之藥

治驗

一婦人自汗盜汗發熱瞞熱體倦少食月經不調

痰甚多二年矣遍身作痛天陰風雨益甚用小續命湯而痛止用補中益氣加味歸脾二湯三十餘劑而愈自汗等症皆鬱結傷損脾氣不能輸養諸臟所致故用前一湯專主脾胃若用寒涼降火理氣化痰復傷生氣多致不起

一婦人因怒月經去多發熱作渴左目緊小頭項動掉四肢抽搐遍身疼痛此怒動肝火肝血虛而內生風用加味逍遙加鈎藤數劑諸症漸愈又用八珍湯調理而痊

一婦人月經先期素有痛症每勞必作用衆手重按

痛稍止此氣血虛而有火用十全大補加獨活治之而痛痊用六味丸逍遙散而經調

一婦人歷節作痛發熱作渴飲食少思月經過期諸藥不應脉洪大按之微細用附子八物四劑而痛止用加味逍遙而元氣復六味丸而月經調

一婦人體肥胖素內熱月經先期患痛風下身微腫痛甚小便頻數身重脉緩症屬風濕而血虛有熱先用羌活勝濕湯四劑腫痛漸愈用清燥湯數劑小便漸清用加味逍遙十餘劑內熱漸愈爲飲食停滯發熱仍痛面目浮腫用六君加柴胡升麻而愈又因怒

氣小腹痞悶寒熱嘔吐此木傷脾土用前藥加山梔
木香而安惟小腹下墜似欲去後此脾氣下陷用補
中益氣而愈後因勞役怒氣作嘔吐痰遍身腫痛月
經忽來寒熱用六君加柴胡山梔以扶元氣清肝火
腫痛嘔吐悉退用補中益氣以升陽氣健營氣月經
寒熱悉瘥

一婦人飲食少思畏見風寒患痛風嘔吐寒熱脉弦
緊用附子八物四肢痛愈用獨活寄生腰痛亦瘥惟
兩膝腫痛用大防風而消用加味歸脾逍遙而元氣
復

流注

婦人流注或因憂思鬱怒虧損肝脾或因產後勞役復傷氣血以致營氣不從逆於肉理或因腠理不密外邪客之或濕痰流注或跌撲血滯或產後惡露蓋氣流而注血注而凝或生於四肢關節或流於胸腹腰臀或結塊或漫腫皆屬虛損急用葱熨及益氣養榮湯則未成自消已成自潰若久而腫起作痛肢體倦怠病氣有餘形氣不足尚可治若漫腫微痛屬形氣病氣俱不足最難治不作膿或膿成不潰氣血虛也用八珍湯憎寒畏寒陽氣虛也十全大補湯補熱

內熱陰血虛也四物加參朮作嘔欲嘔胃氣虛也六
君加炮薑食少體倦脾氣虛也補中益氣加茯苓半
夏四肢逆冷小便頻數命門火衰也八味丸小便頻
數痰盛作渴腎水虧損也六味丸月經過期多日不
止肝脾虛也八瓊湯加柴胡丹皮凡潰而氣血虛弱
不斂者更用十全大補湯煎膏外補之久潰而寒邪
凝滯不斂者用豆豉餅祛散之其潰而內有膿管不
斂者用針頭散腐化之自愈若不補氣血不節飲食
不慎起居不戒七情或用寒涼剋伐俱不治

一婦人左臂患之年許不潰堅硬不痛肉色不變脉
弱少食月經過期日晡發熱勞役則痛遂與參芪歸
朮川芎芍藥熟地貝母遠志香附桔梗丹皮甘草百
餘貼而消

一婦人暴怒腰腫一塊胸膈不利時或氣走作痛與
方脉流氣飲數劑而止更以小柴胡對四物加香附
貝母月餘而愈

一婦人因怒脇下腫痛胸膈不利脉沉滯以方脉流
氣飲數劑少愈以小柴胡對二陳加青皮桔梗貝母
數劑頓退更以小柴胡湯對四物二十餘劑而痊

一婦人因閃胸肩患腫通身痛遂以黑丸子二服而
痛止以方脉流氣飲二劑而腫消更以二陳對四物
加香附枳殼桔梗而全愈

一婦人腿患筋攣骨痛諸藥不應脉遲緊用大防風
湯二劑頓退又二劑而安○又一婦患之亦然先用
前湯二劑更服黑丸子而痊此二患若失治潰成敗
證

一婦人潰後發熱予以爲虛彼不信乃服敗毒藥果
發大熱竟至不救夫潰瘍雖有表證發熱宜以托裏
爲主佐以表散之劑何況瘰癧流注乎若氣血充實

經絡通暢決無患者此證之因皆由氣血素虧或七情所傷經絡鬱結或腠理不密六淫外侵隧道壅塞若不審其所因辨其虛實鮮不悞人

瘰癧

婦人瘰癧或因胎產血崩虧損腎肝或因憂思鬱怒傷損肝脾或因恚怒風熱肝膽血燥或因水涸血虛筋攣則累累然如貫珠故多生於耳前後項側胸脇間若寒熱腫痛乃肝經氣動而爲病用柴胡梔子散以清肝火爲主而佐以逍遙散以養肝血若寒熱旣止而核不消乃肝經之血亦病用加味四物湯以養

肝血爲主而佐以柴胡梔子散以清肝火若初生如
豆粒附着於筋肉色不變內熱口乾精神倦怠久不
消潰乃肝脾虧損用逍遙散歸脾湯六味丸健脾土
培肝木切不可輕用散堅追毒之劑外臺秘要云肝
腎虛熱則生癰矣病機云瘦癰不係膏粱丹毒因虛
勞氣鬱所致補形氣調經脉其瘡當自消散誤下之
先犯病禁經禁若久潰脉浮大邪火盛也面色晄白
金剋木也皆不治若赤脉貫瞳子有幾條則幾年死

治驗

一婦人久而不愈或以爲木旺之症用散腫潰堅湯

伐之腫硬益甚余以爲肝經氣血虧損當滋化源用
六味地黃丸補中益氣湯至春而愈此症若肝經風
火暴病元氣無虧宜用前湯若風木旺而自病宜用
瀉青丸虛者用地黃丸若水不能生木亦用此丸若
金來剋木宜補脾土生腎水大凡風木之病但壯脾
土則木自不能剋矣若行伐肝則脾胃先傷而木反
來剋土矣

一婦患之恐不起致少寐年餘癰破膿水淋漓經水
或五十日或兩月餘一至誤服通經丸展轉無寐午
前惡寒午後發熱余以爲思慮虧損脾血用歸脾湯

作充午前以六君子送下午後以逍遙散送下
餘得寐半載後經行如期年餘而瘡愈

一癰婦潰後發熱煩躁作渴脉大而虛以當歸補血
湯六劑而寒熱退又以聖愈湯數劑而全愈更以八
珍加貝母遠志三十餘劑而斂

一婦人項結核寒熱頭痛脇乳脹痛內熱口苦小便
頻數症屬肝火血虛用四物加柴胡山梔膽草而愈
又用加味道遙散而安

一婦人瘰癧後遍身作痒脉大按而虛以十全大補
加香附治之而愈大凡潰後午前痒作氣虛午後瘡

作血虛若作風症治之必死

一婦人項核腫痛察其氣血俱實先以必効散一服下之更以益氣養榮湯補之三十餘劑而消常治此症若必欲出膿但虛弱者先用前湯待其氣血稍充乃用必効散去其毒仍用補藥無不効未成膿者灸肘尖調經解鬱及隔蒜灸多自消有膿卽針之若氣血復而核不消却服散堅之劑月許不應氣血不損須用必効散其毒一下卽多服益氣養榮湯如不應亦灸肘尖如瘡口不斂者更用豆豉餅琥珀膏若氣血俱虛或不慎飲食七情者不治然此症以氣血爲

主氣血壯實不用追蝕之劑亦能自腐但取去使易於收斂耳血虛而用追蝕不惟徒治適足以敗矣

乳癰乳巖

婦人乳癰屬膽胃二腑熱毒氣血壅滯故初起腫痛發於肌表肉色焮赤其人表熱發熱或發寒熱或憎寒頭痛煩渴引冷用人參敗毒散神効瓜蒌散加味逍遙散治之其自消散若至數日之間膿成潰竅稠膿湧出膿盡自愈若氣血虛弱或誤用敗毒久不收斂膿清脉大則難治乳巖屬肝脾二臟鬱怒氣血虧損故初起小核結於乳內肉色如故其人內熱夜熱

五心發熱肢體倦瘦月經不調用加味歸脾湯加味
逍遙散神効瓜蒌散多自消散若荏苒日月漸大瘵
巖色赤出水腐潰深洞用前歸脾湯等藥可延歲月
若誤用攻伐危殆迫矣大凡乳症若因恚怒宜疎肝
清熱熨痛寒熱宜發表散邪腫熨痛甚宜清肝消毒
並隔蒜灸不作膿或膿不潰補氣血爲主不收斂或
膿稀補脾胃爲主膿出反痛或發寒熱補氣血爲主
或晡熱內熱補血爲主若飲食少思或作嘔吐補胃
爲主飲食難化或作泄瀉補脾爲主勞碌腫痛補氣
血爲主怒氣腫痛養肝血爲主兒口所吹須吮通揆

散成癰治以前法潮熱暮熱亦王前藥大抵男子多
由房勞耗傷肝腎婦人鬱怒虧損肝脾治者審之以世
孕婦患此名曰內吹然其所致之因則一惟用藥不
可犯其胎耳

治驗

一婦人內熱脇脹兩乳不時作痛口內不時辛辣若
卧而起急則臍下牽痛此帶脉爲患用小柴胡加青
皮黃連山梔二劑而瘥

一婦人因怒兩乳腫兼頭痛寒熱用人參敗毒散二
劑表症已退用小柴胡加芎歸枳殼桔梗四劑而消
一婦人久鬱右乳內腫硬用八瓊湯加遠志貝母柴

胡青皮及隔蒜灸兼服神効瓜萋散兩月餘而消
一婦人左乳內腫如桃不痛不赤發熱漸瘦用八珍
加香附遠志青皮柴胡百餘劑又兼服神効瓜萋散
三十餘劑膿潰而愈

一婦人鬱久左乳內結核如杏許三月不消心脉瀆
而脾脉大按之無力以八珍加貝母遠志香附柴胡
青皮桔梗五十餘劑而潰又三十餘劑而愈

一婦人稟實性躁懷抱久鬱左乳內結一核按之微
痛以連翹飲子二十餘劑少退更以八珍加青皮香
附桔梗貝母二十餘劑而消

一婦人發熱作渴至夜尤甚兩乳忽腫肝脉洪數乃
熱入血室也用加味小柴胡湯熱止腫消
一婦人因怒左乳作痛發熱表散太過腫熱益甚用
益氣養榮湯數劑熱止腫成不從用針腫脹熱渴針
膿大潰仍以前湯月餘始愈此症若膿成未破有薄
皮剝起者用代針之劑其脈自出不若及時用針不
致大潰若膿血未盡輒用生肌反助其邪慎之
一婦人因怒左乳作痛胸膈不利以方脉流氣飲加
木香青皮四劑而安

一婦人膿清腫硬向黃食少內熱晡熱自汗盜汗月

經不行此肝脾氣血俱虛用十全大補加遠志貝母
及補中益氣各三十餘劑外用葱熨患處諸症尋愈
一婦人膿成脹痛余欲針之不從數日始針出敗膿
三四碗許虛症蜂起幾至危殆用大補兩月餘而安
若元氣虛弱不作膿者用益氣養榮湯補之膿成卽
針若腫痛寒熱怠惰食少或至夜熱甚用補中益氣
湯兼逍遙散補之爲善

一產婦因乳少服藥通之致乳房腫脹發熱作渴以
玉露散補之而愈失乳汁乃氣血所化在上爲乳在
下爲經若衝任之脉盛脾胃之氣壯則乳汁多而濃

衰則淡而少所乳之子亦弱而多病又有屢產無乳
或大便瀯滯乃亾津液也當滋化源

一婦人右乳內結三核年餘不消朝寒暮熱飲食不
甘此乳巖以益氣養榮湯百餘劑血氣漸復更以木
香餅熨之喜其謹疾年餘而消

至英內年二十有五素虛弱多鬱怒時疫後脾胃愈
虛飲食愈少又值氣忿右乳脇下紅腫應內作痛用
炒麩皮熨之腫雖少散內痛益甚轉側胸中如物懸
墜遂與加減四物湯內腫如鵝卵外大如盤胸脇背
心相引而痛夜熱勢甚時治者皆以攻毒爲言叩諸

先生乃云此病後脾弱而復怒傷肝治法惟主於健
脾氣平肝火則腫自消而病自愈矣承惠方以八物
加陳皮黃芪柴胡山梔白芷服八劑病減六七去白
芷加青皮木香桔梗又六劑而全愈奏功之奇獲効
之速蓋出於尋常萬萬也感激厚恩斯夕不忘銘此
乞附醫案以詔後之患者毋爲攻毒者之所惑也晚
生尤至英頓首再拜書

一婦人乳內結核年餘脯熱少食余欲用益氣養榮
湯治之彼以爲緩乃服行氣之劑其勢愈甚潰而日
出清膿而歿

郭氏妻乃放血宮女乳內結一核如粟亦服流氣等藥大如覆碗堅硬如石出水而殁

血風瘡

婦人血風瘡因肝脾二經風熱鬱火血燥所致其外症身發疙瘡或如丹毒痒痛不常搔破成瘡膿水淋漓其內症月經無定小便不調夜熱內熱自汗盜汗惡寒憎寒肢體倦怠飲食不甘寒熱往來若發熱作痛乃肝經風熱血燥用當歸飲加柴胡山梔若體倦食少口乾潮熱乃肝脾鬱火傷血用加味逍遙散若疙瘡痛痒寒熱往來乃肝經風熱傷血用小柴胡加

山梔黃連若夜間發熱作渴譫語乃熱入血室用小
柴胡加生地黃血虛四物合小柴胡湯若無寐盜汗
內熱晡熱乃脾經血虛用歸脾湯兼寒熱加山梔熟
地若用風藥復傷陰血反致他症

治驗

一婦人素清苦四肢患此誤用敗毒寒涼晡熱內熱
自汗盜汗月經不行口乾咽燥此鬱結傷脾四肢者
脾主之用歸脾湯數劑後兼逍遙散五十餘劑而愈
一婦人性躁寒熱口苦脇痛耳鳴腹脹溺瀆年餘矣
症屬肝火用四君加柴胡炒山梔炒龍膽數劑乃與

逍遙散兼服而瘡愈又與六味丸及逍遙散七十餘劑諸症悉退若有愈後身起白屑搔則肌膚如帛所隔此氣血虛不能營於腠理用大補之劑若有愈後發熱身起疙瘡痒痛搔破膿水淋漓經候不調此肝火血熱用四物加柴胡山梔白朮茯苓丹皮甘草一婦人日晡身痒月餘口乾又月餘成瘡服祛風之劑膿水淋漓午前畏寒午後發熱殊類風症余謂此肝經鬱火外邪所搏用補中益氣加山梔釣藤又以逍遙散加川芎貝母而愈

一婦人搔痒發熱日晡益甚膚見赤痕月經過期此

血虛有熱以逍遙散倍加熟地熱止痒退更以四物
加參芪柴胡炙草茯苓調理遂愈

一女子十二歲善怒遍身作痒用柴胡川芎山梔芍
藥以清肝火以生地當歸黃芩涼肝血以白木茯苓
甘草健脾土而愈半載後遍身起赤痕或時眩暈此
肝火熾甚血得熱而妄行是夜果經至

癩瘡

婦人兩癩生瘡或因胎產飲食失宜傷損脾胃或因
憂思鬱怒虧損肝脾以致濕熱下注或外邪所侵外
臙屬足三陽可治內臙屬足三陰難治若初起癰腫

赤痛屬濕毒所乘用人參敗毒或檳蘇敗毒散若漫
腫作痛或不腫不痛屬脾虛濕熱下注用補中益氣
或八瓊湯若膿水淋漓體倦少食內熱口乾屬脾氣
虛弱用補中益氣加茯苓酒炒芍藥若午後頭目不
清屬陰火用前湯加酒炒黑黃柏若午後發熱體倦
屬血虛用前湯加川芎熟地若懷抱不樂而甚用歸
脾湯加山梔柴胡若恚怒氣逆而甚用補中益氣加
川芎山梔若內熱體倦痰涎口瘡屬脾腎虛熱用六
味丸若肢體畏寒飲食少思屬脾腎虛寒用八味丸
大抵色赤屬熱毒易治色黯屬脾腎虛寒難治設誤

用攻伐復傷胃氣難保其生

治驗

一婦人患之四畔微赤作痛重墜膿水淋漓胸膈不利飲食少思內熱口苦夜間少寐此屬脾虛鬱傷用歸脾湯解鬱結而生脾血用補中益氣加茯苓半夏補脾氣而除濕熱尋愈

一婦人久不愈色赤微熱日晡炊腫形體虛弱飲食少思勞則喘渴惡寒發熱此脾虛下陷用補中益氣湯而愈

一婦人三年矣色黯腫硬惡寒發熱飲食少思形體

消瘦作渴飲湯飲食稍多或腹脹或泄瀉或作嘔或吞酸此脾氣虛寒用補中益氣加乾薑肉桂五十餘劑而愈

一婦人因人朝步履惡寒發熱倦怠懶食瘡口出血此勞傷元氣不能攝血歸經用補中益氣湯而愈

一婦人因怒寒熱頭眩或耳項胸脇脹痛或小腹陰道悶墜或小便頻數下血此屬肝火血熱先用小柴胡湯加炒黑山梔川芎當歸車前二劑諸症頓退又用加味逍遙散補其陰血而愈後因飲食勞倦前症復作瘡口出血用補中益氣湯治之而愈

一婦人患將兩月，焮赤腫痛，小便頻數，飲食如常。用活命飲二劑，諸症悉愈。又用八珍湯而痊。

一婦人患此焮痛惡寒發熱，用檳蘇敗毒散而寒熱退，用仙方活命飲而焮痛止。再用補中益氣湯而形氣健。

陰瘡

交接出血陰挺陰痒陰蝨附

婦人陰瘡乃七情鬱火傷損肝脾，濕熱下注其外症。有陰中舒出如蛇，俗呼陰挺，有翻突如餅，俗呼陰菌。亦有如鷄冠花，亦有生諸蟲，亦有腫痛濕痒潰爛，出水張悶脫墜者。其內症口乾內熱體倦，經候不調，飲

食無味晡熱發熱胸膈不利脇肋不調小腹痞脹赤
白帶下小便淋瀝其治法腫痛者宜用四物加柴胡
山梔丹皮膽草濕痒者宜用歸脾加山梔丹皮柴胡
淋瀝者宜用龍膽瀉肝加白朮丹皮瀉腐者宜用加
味道造散腫悶脫墜者宜用補中益氣加山梔丹皮
佐以外治之法備見治驗

治驗

一婦人胸膈不利內熱作渴飲食不甘肢體倦怠陰
中悶痒小便赤瀝此鬱怒所致用歸脾加山梔而愈
後因怒患處并小腹脹痛用小柴胡加山梔芎歸芍

藥而愈但內熱晡熱用逍遙散加山梔而愈後因勞
役發熱患處腫脹小便仍濇用補中益氣加山梔荻
苓丹皮而愈

一婦人陰中突出如菌四圍腫痛小便頻數內熱晡
熱似痒似痛小腹重墜此肝脾鬱結之症蓋肝火濕
熱而腫痛脾虛下陷而重墜也先以補中益氣加山
梔荻苓車前青皮以清肝火升脾氣漸愈更以歸脾
湯加山梔荻苓川芎調理更以生豬脂和藜蘆末塗
之而收人

一婦人陰中挺出一條五寸許悶痛重墜水出淋瀝

小便瀉滯夕與龍膽瀉肝湯分利濕熱朝與補中益
氣湯升補脾氣諸症漸愈再與歸脾加山梔茯苓川
芎黃柏間服調理而愈後因勞役或怒氣下部濕痒
小水不利仍用前藥即愈亦有入許者亦有生諸蟲
物者皆用此治

一婦人腐潰膿水淋漓腫痛寒熱小便赤瀉內熱作
渴肢體倦怠胸脇不利飲食少思三月餘矣用補中
益氣內柴胡升麻各用一錢加茯苓一錢炒山梔二
錢數劑少愈又與歸脾加山梔川芎茯苓三十餘劑
諸症悉退惟內熱尚在再與逍遙散倍用山梔而愈

一婦人素性急陰內或痛小便赤澀怒則益甚或發熱或寒熱治以芎歸炒梔柴胡苓朮丹皮澤瀉炒芍炒車前炒連生草數劑漸愈乃去黃連澤瀉又數劑而全愈

一婦人素鬱悶陰內痛痒不時出水飲食少思肢體倦怠用歸脾加丹皮山梔芍藥柴胡生草主之而安一婦人陰內痒痛內熱倦怠飲食少思用參芪歸朮陳皮柴胡炒梔炒車前升麻芍藥丹皮茯苓治之而瘥若陰中有蟲痒痛亦屬肝木以桃仁研膏和雄黃朱納陰中以殺之仍用清肝解鬱有以鷄肝納之者

乃取蟲之法也

一婦人交接違理出血作痛發熱口乾誤服寒涼之藥前症益甚不時欲嘔飲食少思此症屬肝經而藥復傷脾也先用六君子加柴胡一兩脾胃漸愈乃用加味逍遙散而患處亦痊

一婦人每交接輒出血作痛數日皆涼血止痛之劑不時出血甚多此肝傷而不能攝血脾傷而不能攝血也用補中益氣濟生歸脾二湯而愈若交接出血用熟艾熱裹入陰中若交接違理而出血用亂髮青布燒爲末敷之血自止若出血過多而見他症但用

前藥調補肝脾諸症自愈矣

一婦人陰腫下墜悶痛出水胸膈皆不利小便頻數內
熱晡熱口苦耳鳴先用小柴胡加車前膽草苓朮升
麻二劑稍緩又用加味逍遙加小麻數劑稍愈乃以
加味歸脾加升麻柴胡并補中氣氣加山梔數劑漸
愈仍用加味逍遙加味歸脾二劑調理而瘥

一婦人熱痛用寒涼敗毒飲食不入時欲嘔吐小腹

重墜似欲去後此脾胃虧損元氣下陷症屬虛寒先

用補中益氣加炮薑二劑重墜如失再用前湯加茯

苓半夏二十餘劑而愈乃以歸脾少加柴胡升麻六

味地黃丸調理兩月餘而康

附方并註

保和丸 治飲食停滯胸膈痞滿或作吞酸等症

山楂 取肉二兩蒸 神麴 炒 半夏 茯苓 各一兩

蘿蔔子 炒 陳皮 延翹 各五錢

右為末粥丸加白朮二兩名八安丸

越鞠丸 治六鬱胸膈痞滿嘔吐吞酸或濕熱腹脹

腿脚酸疼等症

蒼朮 炒 神麴 炒 丁香附 山楂

山梔 炒 撫芎 麥芽 炒各等分

右各另為末水調炒麩麵糊為丸桐子大每服五

七十丸白滾湯下

左金丸一名四今丸治肝火胸脇刺痛或發寒熱或頭目

作痛小便淋秘或小腹疼痛一切肝火之症

黃連六兩吳茱萸一兩湯煮片時用

右為末粥丸白木陳皮湯下

椒仁丸治先因經水斷絕後至四肢浮腫小便不通

通血化為水

椒仁 續隨子去肉研 甘遂 附子炮

郁李仁 黑牽牛 五靈脂研碎 當歸

吳茱萸

延胡索

各五錢

羌活

醋浸一錢

石膏

玃青

十枚去頭翅足同糯米炒黃去米不用

斑蝥

十箇糯米炒黃去米不用

膽礬

人言

各一錢

右為末麩糊為丸如豌豆大每服一丸橘皮湯下

此方藥雖峻利所用不多若畏而不服有養病害

身之患常治虛弱之人亦未見其有誤也

血分葶藶丸

治先因小便不利後至身面浮腫經

水不通水化為血

葶藶

研炒

續隨子

去殼各半兩研

乾筴末

一兩

右為末棗肉丸如桐子大每服七丸煎匾竹湯下

如大便利者減續隨子葶藶各一錢加白朮五錢
人參九 治經脉不利化為水流走四肢悉皆腫滿
名曰血分其候與水相類若作水治之非也宜用
此

人參

大黃

濕紙裹飯上蒸
熟去紙切炒

當歸

桂心

瞿麥穗

赤芍藥

白茯苓

各半
兩

葶藶

炒另研
一錢

右為末煉蜜丸桐子大每服十五丸至二三十九

空心飲湯下

桐子仁丸

治血虛有火月經耗損漸至不通日漸

羸瘦而生潮熱慎毋以毒藥通之宜栝子仁丸澤

蘭湯主之

栝子仁炒研

牛膝酒拌

卷栝各半澤蘭葉

續斷各二兩

熟地黃用生者三兩酒拌蒸半日忌鐵器炸膏

右為末入地黃膏加煉蜜丸桐子大每服三十九

空心米飲下

澤蘭湯 治症同前

澤蘭葉三兩

當歸酒拌

芍藥炒各一兩甘草五錢

右為粗末每服五錢水二鍾煎至一鍾去渣溫服

獨參湯 治一切失血惡寒發熱作渴煩躁並宜此

藥補氣蓋血生於氣陽生陰長之理也用人參二

兩棗十枚水煎服

玉露散 治乳脉不行身體壯熱頭目昏痛大便澀

滯等症

人參

白茯苓

桔梗炒

川芎

白芷

當歸

芍藥

甘草

各一分五分

右水煎服

若熱甚大便秘壅加炒大黃

聖愈湯

治血虛心煩睡卧不寧或五心煩熱

地黃

酒拌蒸半日

生地黃

酒拌

川芎

人參

各五錢

當歸 酒拌

黃芪 炒各一錢

右水煎服

當歸飲 治血熱癰癤痒痛膿水淋漓發熱等症

當歸

白芍藥

川芎

生地黄

白蒺藜 各一錢

防風

荆芥 各五分 黃芪 二

何首烏

甘草 五分

右水煎服

龍膽瀉肝湯

治肝經濕熱下部腫焮作痛小便

滯陰挺如菌或出物如蟲等症

龍膽草

酒拌炒黃 澤瀉 各一錢

車前子 炒 木通

生地黃酒

當歸尾酒

山梔炒

黃芩

生甘草各五分

右水煎服

烏賊魚骨丸

治婦人血枯胸膈四肢滿妨於食

病至聞腥臊臭氣先嘔血出清液或前後泄血

眩轉月事衰少不來

烏賊魚骨去甲 四兩

蘭茹一兩

右為末以雀卵和成劑丸如小豆大勿服五丸

至十九以鮑魚煎湯下以飯壓之

青州白丸子

治風痰咳嗽或牙關緊急不知人

或痰滯作麻

南星 三兩

半夏 七兩

白附子 二兩

川烏 半兩各
生用

右為末絹袋盛井水擺浸仍換水浸三五日晒乾
糯米粉丸如急用以薑汁糊丸亦可

四七湯 治七情鬱結咽間如有一核吞吐不利或

中脘痞滿痰涎壅喘或惡心少食

紫蘇葉 一錢

厚朴 一錢五分

茯苓 一錢

半夏 姜制
七分

右薑棗水煎服

若白帶以此湯送前丸其効如神



當歸龍薈丸

治肝經症脇下作痛或有積塊或下

疝便癰小便淋瀝或瘀血凝滯小腹作痛

當歸 酒拌

龍膽草 酒拌炒

梔子仁 炒 黃連

青皮

黃芩 各一兩

大黃 酒拌炒 蘆薈

青黛

柴胡 各五錢

木香 二錢五分 麝香 五分

右為末炒神麩糊丸每服二三十丸姜湯下

阿魏膏 治一切瘡塊

羌活

獨活

玄參

官桂

赤芍藥

川山甲

生地黄

兩頭尖

大黃

白芷

天麻 各五錢

紅花 四錢

槐柳桃枝各三錢

木鱉子二三枚

亂髮如鷄子大一塊

右用香油二斤四兩煎黑去粗入髮再煎化仍去

粗徐下黃丹煎軟硬得中方入芒硝阿魏蘇合油

乳香沒藥五錢麝香三錢調勻成膏矣攤貼患處

內服蘆薈丸等黃丹須真正者效凡貼膏藥先用

朴硝隨患處鋪半指厚以紙蓋用熱熨斗熨良久

如硝耗再加熨之熨二時許方貼膏藥若是肝積

加蘆薈末同熨

蘆薈丸 治肝疳口舌生瘡牙齦腐爛或遍身生瘡

等症

大皂角

青黛

蘆薈 研

硃砂 研

麝香 研各一錢

乾蝦蟇 用皂角各等分燒存性為末一兩入煎項藥

右為末蒸餅糊丸麻子大每服五七十九丸米飲下

局方小續命湯 治歷節痛風痰盛口噤腰背反張

等症

防已

肉桂 去粗皮

杏仁 去皮尖炒黃

黃芩

白芍

甘草

川芎

麻黃 去節

人參 去蘆各一兩

附子 炮去皮臍半兩

防風 一兩五錢

一右為粗末每服三錢薑棗水煎服

調中益氣湯 治體怠嗜卧不思飲食或痰嗽泄

等症

黃芪 一錢

人參 去蘆頭

甘草

蒼朮

柴胡

橘皮

升麻

木香

右薑棗水煎空心服

佛手散 治妊娠傷胎下血

當歸 三錢

川芎 二錢

右水煎食前服

木香餅 治一切氣滯結腫或痛或閃肭及風寒所

傷作痛並効

木香

五錢

生地黃

一兩

右木香爲末地黃杵膏和勻量患處大小作餅置患處以熱熨斗熨之

隔蒜灸法 治一切瘡毒大痛或不痛或麻木如痛者灸至不痛不痛者灸至痛其毒隨火而散蓋火以暢達拔引鬱毒此從治之法也有回生之功用

大蒜頭去皮切三文錢厚安瘡頭上用艾壯於蒜上灸之三壯換蒜復灸未成者卽消已成者亦殺其大勢不能爲害如瘡大用蒜搗爛攤患處將艾

鋪上燒之蒜敗再換如不痛或不作膿及不起發
或陰瘡尤宜多灸灸而仍不痛不作膿不起發者
不治此氣血虛極也

神效葱熨法

治虛怯人肢體患腫塊或作痛或不

痛或風襲於經絡肢體疼痛或四肢筋攣骨痛又
治流注跌撲傷損腫痛用葱頭細切杵爛炒熱敷
患處冷易之再熨腫痛即止其效如神

豆豉餅

治瘡瘍腫硬不潰及潰而不斂并一切頑

瘡惡瘡用江西豆豉爲末唾津和作餅子如錢大
厚如三文置患處以艾壯於餅上灸之乾則易之

如背瘡用漱口木調作餅覆患處以艾鋪餅上灸之如夫成者即消已成者能消其毒如有不効氣血虛敗也

益氣養榮湯

治抑鬱癩癰或四肢患腫肉色不變

或日晡發熱或潰而不斂

人參

茯苓

陳皮

貝母

香附

當歸

川芎

黃芪

熟地黃

芍藥

甘草

桔梗

白朮

炒二錢

炒各五分

鹽水并炒

右薑水煎服

參養榮湯 治潰瘍發熱惡寒四肢倦怠體瘦

食向黃短氣不能收斂若大瘡愈後多服之不變

他病

白芍藥 一錢五分 人參

陳皮

黃芪 蜜炙

桂心

當歸 酒拌

白朮

甘草 炙各一錢

熟地黃 酒拌

五味子

茯苓 各七分半

遠志 去心炒五分

右薑棗水煎服

方脉流氣飲子

治惱怒胸膈脹滿或肢體作痛或

結壅腫血氣無虧者

紫蘇葉

青皮

苦梗

半夏 煨

當歸

芍藥

烏藥

茯苓

川芎

黃芪

枳殼

去穢
麩炒

防風

各生
兩

甘草

橘皮

各通
分

大腹皮

木香

各三
分

右薑棗水煎服

瀉青丸

治肝經鬱火實熱脇乳作痛大便秘結及

肝經一切實火症

當歸

龍膽草

川芎

山梔

大黃

羌活

防風

各等
分

右為末蜜丸鷄子大每服一二丸

天參敗毒散

治瘡瘍焮痛發寒熱或拘急頭痛等

症

人參

羌活

獨活

前胡

柴胡

桔梗

枳殼

茯苓

川芎

甘草

各一錢

右水煎服

生地黄丸

治師尼寡婦乍寒乍熱肝脉弦長而出

魚際

生地黄

一兩 拌杵膏

秦艽

黃芩

硬柴胡

各五錢

赤芍藥

一兩

右為細末入地黄膏加煉蜜少許丸桐子大每服

三十丸烏梅煎湯下日進二服亦治室交患此

連翹飲子 治乳內結核

連翹

川芎

瓜蒌仁 研

皂角刺 炒

橘葉

青皮 去白

甘草節

桃仁

各一錢半

右水煎服

必効散 治瘰癧未成膿者自消已潰者自斂

南鵬砂

二錢五分

輕粉

一錢

班貓

四十箇糯米同蒸去頭翹

麝香

五錢

巴豆

五粒去殼心膜

白棋榔

一箇

右為細末每服一錢五更用滾湯調下如小水瀉

滯或微痛此瘰癧毒欲下也進益元散一服即下此

方班猫巴豆似為峻厲然用巴豆乃解班猫之毒
用者勿畏

琥珀膏 治頸項瘰癧及腋下初如梅子腫結硬強

漸如連珠不消不潰或潰而膿水不絕經久不瘥

漸成漏症

琥珀 一兩

木通

桂心

當歸

白芷

防風

松脂

硃砂 研

木鱉子

肉各五錢 麻油 二斤

丁香

木香 各三錢

右先用琥珀丁香桂心硃砂木香為細末其餘藥

入油內煎焦黑濾去粗徐徐入黃丹再煎軟硬得

中即成膏矣

神效瓜蒌散 治乳癰初起腫痛及一切癰疽或膿

出後餘毒亦宜用之

黃瓜蒌

子 瓜者

當歸

半兩

生甘草

半兩

沒藥

一錢 另研

乳香

一錢

右酒水煎服

餘方見下卷